

Temeljem članka 16. stavak 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa člankom 40. i 46. stavak (1) Zakona o izvršenju Proračuna Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), na prijedlog Kantonalne direkcije robnih rezervi, Vlada Zeničko-dobojskog kantona, na 147. sjednici, održanoj dana 25.03.2022. godine, d o n o s i

ZAKLJUČAK

I.

Usvaja se Program utroška proračunskih sredstava za nabavku nedostajuće opreme za 2022. godinu, u razdjelu 25, proračunske organizacije 01, potrošačka jedinica 001, Proračuna Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), ekonomski kod 821 300, analitički konto 821 329, pozicija „Nabavka opreme“ u iznosu od 20.000,00 KM (slovima: dvadesettisuća konvertibilnih maraka) i čini sastavni dio ovog zaključka.

II.

Sredstva planirana ovim Programom utroška proračunskih sredstava, realizirat će se u skladu sa Zakonom o javnim nabavkama („Službeni glasnik Bosne i Hercegovine“, broj: 39/14).

III.

Za realizaciju ovog zaključka zadužuju se Kantonalna direkcija robnih rezervi i Ministarstvo financija, svatko u okviru svoje nadležnosti.

IV.

Zaključak stupa na snagu danom donošenja.

Broj: 02-_____/22
Datum, 25.03.2022. godine
Zenica

PREMIJER
po ovlaštenju

Spahija Kozlić

DOSTAVLJENO:

1x Kantonalna direkcija robnih rezervi,
1x Ministarstvo financija,
1x a/a.

PROGRAM

utroška proračunskih sredstava za nabavku nedostajuće opreme

Podaci o Programu

1. Program je usvojen: Na 147. sjednici Vlade Zeničko-dobojskog kantona održanoj dana 25.03.2022. godine
2. Period realizacije Programa: II kvartal 2022. godina
3. Ukupna vrijednost Programa: 20.000,00 KM
4. Namjena Programa: Nabavka rabljenog viljuškara
5. Korisnici Programa: Kantonalna direkcija robnih rezervi
6. Izvor sredstava: Proračunska sredstva u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22) ekonomski kod 821 300, analitički konto 821 329, pozicija "Nabavka opreme" u iznosu 20.000,00 KM (slovima: dvadesettisuća konvertibilnih maraka).
7. Odgovorna osoba: Direktor Zoran Martinović

I UVOD

U cilju stvaranja minimalnih uvjeta za izvršenja poslova iz nadležnosti Kantonalne direkcije robnih rezervi definiranim člankom 23. Zakona o robnim rezervama Zeničko-dobojskog kantona ("Službene novine Zeničko-dobojskog kantona", br. 13/97), neophodno je osigurati određena sredstva rada, kao bi se moglo adekvatno manipulirati robama u skladištu Kantonalne direkcije robnih rezervi Zeničko-dobojskog kantona. S tim u vezi ovim Programom osigurat će se uvjeti za pokretanje procedura javne nabavke rabljenog viljuškara i druge opreme male vrijednosti potrebne za rad Kantonalne direkcije robnih rezervi, a sve u skladu sa odredbama Zakona o javnim nabavkama ("Službeni glasnik BiH", br. 39/14) i osiguranim sredstvima u Proračunu za 2022. godinu.

II IZVOR SREDSTAVA ZA REALIZACIJU PROGRAMA

Izvor sredstva za nabavku rabljenog viljuškara i druge opreme male vrijednosti su proračunska sredstva na razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22) ekonomski kod 821 300, analitički konto 821 329, pozicija „Nabavka opreme“ u iznosu 20.000,00 KM (slovima: dvadesettisuća konvertibilnih maraka).

III NAMJENA SREDSTAVA

Sredstva su namijenjena za nabavku rabljenog viljuškara, sa bočnim pomakom i sljedećim minimalnim karakteristikama: Nosivost: 1600 kg, Visina otvorenog krana: 3570 mm, Visina zatvorenog krana: 2045 mm, Dužina vila: 120 cm, pogonsko gorivo: dizel ili plin i druge opreme male vrijednosti.

Viljuškar kojim trenutno raspolaže Kantonalna direkcija robnih rezervi, dobiven je u donaciji, star je gotovo 30 godina i potpuno izamortizovan. Zbog nedostatka dijelova gotovo ga je nemoguće adekvatno servisirati, te je pitanje dana kad će isti stati, čime bi manipulacija robama, u skladištu koje zajednički koriste Kantonalna direkcija robnih rezervi i Kantonalna uprava civilne zaštite, bila gotovo potpuno onemogućena.

IV KRITERIJI ZA KORIŠTENJE SREDSTAVA

Kriteriji za korištenje sredstava za nabavku rabljenog viljuškara bazirat će se na provedenoj proceduri u postupku javne nabavke i kriteriju bodovanja temeljenom na ponuđenoj cijeni, godini proizvodnje, nosivosti i trajanju garancije o ispravnosti, te minimalnim zahtjevima za kvalifikaciju ponuđača u pogledu njihove osobne sposobnosti, ekonomskog i financijskog stanja, te njihove tehničke i profesionalne sposobnosti kako je to definirano odredbama Zakona o javnim nabavkama ("Službeni glasnik Bosne i Hercegovine", broj: 39/14).

V REALIZACIJA PROGRAMA

Program će se realizirati u II kvartalu 2022. godine.

Broj: 02-_____/22
Datum, 25.03.2022. godine
Zenica

DOSTAVLJENO:

1x Kantonalna direkcija robnih rezervi,
1x Ministarstvo financija,
1x a/a.

PREMIJER
po ovlaštenju

Spahija Kozlić